

令有司錢糧分定則例考成定殿最

丙辰浙江按察僉事汪先岸謫福建都司副斷事御史劉九經謫兩浙運司知事先岸前廣東道御史劾工部尚書姚繼可九經以通政使沈子木匿其奏也

戊午前禮部左侍郎張一桂卒字 河南開封人隆慶戊

辰進士

九月庚申朔命勘播州地界

辛酉戌刻有大星見東南色赤大如碗忽化為五聚各大如前而中更皎子刻又一圓分為五久之合一大如麓頃復如

初曉漸沒

甲子停江西浮梁等十六縣二十七年以上通租十之三

乙丑存問前戶部尚書畢鏘


丙寅甘肅提兵官麻貴以餽遺劾罷

丁卯沈鯉請撤內臣罷礦稅釋累臣不報

庚午提督薊遼兵部右侍郎萬世德三年考滿進右都御史兼兵部右侍郎仍提督巡撫陝西兵部尚書賈待問考滿加

太子少保

庚辰大同副提兵焦承勳為 將軍提兵官鎮守大同



陞貴州安順州為安順軍民府

夜有大星色青白自角宿流天苑二小星隨之又大小星數百錯行

壬午江南松江南匯獲夷男婦五十七人似琉球人浙江獲夷婦三人命付福建歸之

戊子兵科給事中洪瞻祖使琉球聞喪改兵科右給事中夏子陽往

十月己丑朔折徵宿遷望江災祖蠲休寧祁門婺源等縣戊戌蠲泗州十二州縣災祖賑之

予故南兵部右侍郎李盛春祭葬

己亥總督薊遼右都御史萬世德卒字 山西偏頭所人

隆慶辛未進士幹局通敏時稱才臣予祭葬

甲辰總督倉場戶部左侍郎謝杰九年考滿進戶部尚書


禮科都給事中張問達以星變請罷礦稅不報

戊申松潘副總兵周國柱棄官逃命逮之

甲寅領前軍都督府永康侯徐文煊調後軍都督府

丙辰諭停刑

前吏部右侍郎兼侍讀學士徐顯卿卒字 江南長洲人



子祭塋


十一月戊午朔初吏部郎中倪斯蕙與御史何淳之胡鶚等爭班禮部議國初論品隆慶初定科道自為一等列部曹之前皇上登極以來常朝四班先科臣次吏曹五班先御史次各部曹今遽昂彼抑此非也命仍隆慶初

癸亥巡撫陝西兵部尚書銜兼右副都御史賈待問卒字學叔四川威縣人隆慶戊辰進士知咸寧拜禮科給事中稍遷吏工科左右出知懷慶改松江進山西叅政陞按察使三月進湖廣右布政亡何轉左三年進南光祿卿旋拜右僉都御

史巡撫南贛汀漳丙戌回院進左副都御史巡撫福建憂去起甘肅逐虜明年改撫陝西坐劾免三年起提督操江旋進兵部右侍郎撫陝西論功加右都御史會復松山加尚書兼右副都御史壬寅秩滿加太子少保年七十贈太子太保予祭塋

甲子真人張國祥乞母諭祭予六壇禮部尚書馮琦謂真人無例伊祖彥頰父永緒引方士邵元節陶仲文例得之非制也不聽

甲申南太常少卿鄭汝璧為右僉都御史巡撫延綏贊理軍



務起右都御史蹇達提督薊遼保定經略禦倭右僉都御史

尹應元巡撫浙江

乙酉南太僕卿詹沂為太常卿

丁亥左通政李應策疾去

十二月戊子朔朝鮮入貢請繼妃詔服許之

辛卯江西稅監潘相開採廣信封禁山木又採泰和縣山石

膏巡按御史吳達可爭之不報

乙未詹事郭正域為禮部右侍郎

故江西饒州通判陳奇可卒于錦衣獄刑科都給事中楊應

文乞釋在繫諸臣不聽

己亥重建定海普陀寺浙江巡撫劉元霖諫止不報


癸卯徐希臯嗣定國公

漕運總兵官王承勳進太子太保

丙午存問前兵部尚書王遴

辛亥鞏昌地震

故播州叛黨吳洪等作亂貴州巡撫責安疆臣縛斬之盡俘  
其衆



國權

萬曆三十一年癸卯

正月戊午朔 上不朝

已未海虜千餘虜騎掠番漢兵備副使李有實同西寧叅將

張大紀擊斬百三十六級家丁某冒級下獄夜鼓譟越城而

遁奪大紀官

甲子享太廟

乙丑左春坊左中允兼編脩全天叙為左諭德兼侍講脩撰


國權

萬曆三十一年

一

藍官設遷孺木著

國家圖書館, NATIONAL CENTRAL LIBRARY, TAIWAN, R.O.C.



翁正春為右中允

工部言山東巡撫黃克績奏開王家口為蒙牆上流上流既達則下流不宜旁泄宜塞從之

丙寅內監王朝採煤西山帶兵擾民窰人凡變朝議恐以阻撓奏閣臣及刑科都給事中楊應文工科給事中白瑜兵科都給事中南大益請停採不報尋太監陳永壽言之撤朝

丁卯前檢討王肯堂謫海鹽縣丞以善申時行王錫爵鄉戚獲譴人頗寬之

許廣東市舶太監李鳳兼南雄府橋稅

庚午順義王捨力克入貢

乙亥內監魯保兼浙直織造


丁丑魯府中山王頤璫謚溫懿鄒平王頤在謚康順

薊鎮總兵尤繼先進都督同知

乙酉英國公張維賢為後軍都督府僉書

丁亥禮部右侍郎郭正域言嘉靖初盡撤天下鎮守內臣今此輩布滿天下伏願與天下更始悉罷撤政其無辜被逮諸臣盡從寬

二月己丑崇王常津請重補額妾三人禮部尚書馮琦謂非例



例遂罷其一

甲午前巡撫江西馬文煇卒字

山東安邱人嘉靖壬戌

進士

乙未工科都給事中白瑜降湖廣右布政司照磨

戊戌南鴻臚卿張朝瑞卒字子楨江南海州人隆慶戊辰進

士令安邱量移南行人司副轉戶部員外郎歷郎中出守金

華遷山東按察副使入應天府丞至令官守已潔嚴歷仕克

任廉吏不足以盡之矣年三十

諭祭

辛丑奏禮部奏朝鮮國王李岷舍長立子次以次子瑋戡亂

而置長子何地今貢未可受也或虞彼疑畏姑收之報可仍

令國王確議以聞

甲辰旌唐王碩曠賢孝

壬子益王翊釗薨謚曰宣

癸丑來知德不應聘許翰林待詔致仕有司月給米三石

謚魯府陽信王壽鈔曰端慎

貴州永寧土司奢世績奢崇寅爭立燒普市


三月丁巳朔吏部奏天下各知府闕十之五

己未禮部尚書馮琦卒字用韞山東臨朐人萬歷丁丑進士

國權

萬歷三十一年

三




官編脩歷詹事翰林院進禮吏部侍郎學識淵練有公輔之望年四十六人咸惜之予祭葬贈太子少保

貴王錫爵曰公負朝望甚早遇主知甚深然甚早則才太盡甚深則語太盡究公所以有聽有阻焦神敝形而中道夭者倘謂是也

顧其志為右副都御史巡撫陝西

癸亥大學士沈一貫沈鯉朱賡上守成遣使權宜三論守成略曰今四方無虞國本大定獨礦稅名為收自然之利寔強搜小民橫剝額外 皇上但見微利不知大害試思此物何

來聚之禁中渾問事耳而于民積厚成分積分成錢積錢成兩漸至千百費凡鞭撻凡械鎖鬻妻賣子析屋破家而後盈此數也漢文帝云百金者中民十家之產安索天下萬金是傷天下十萬家妄索天下百萬金是傷天下萬家憑怒逞忿何所不極其遣使略曰本朝立法莫詳于理財其入有稽其出有考鄉有籍戶有符無朝夕二三之令起解存留各有記簿雖數十年可覆知焉府吏胥徒但供使令常餽之外一錢即敗令中使而操利權古今之所甚忌而亦 祖宗之所甚禁且非徒操利權已也又覲典兵如陝西遼東廣東皆私





募徒卒公請于朝明開跋扈之端此豈可以假借哉其權宜  
略曰 皇上旨下輒曰權宜明知其不當為與不可為而姑  
試之耳將見今歲然而明歲不然此事然而彼事不然而今  
果權宜乎哉始暫而即久始假而即真日復一日得毋託權  
宜以箝天下之口乎若是則先之以不信而誰委心者也  
南京兵部職方司郎中鄒觀光進為南京光祿寺少卿  
丙寅虜騎入犯岷洮陝西提兵官蕭如薰等禦于松山奔控  
工川斬八十一級番人二百五十五級收降番五千餘人  
虜犯甘鎮提兵官達雲率師力拒斬六十五級

戊辰王明為太祿卿陳子貞為右通政


辛未周弘教為左通政張鳴岡為南太常卿馮渠張尚學為  
太僕少卿趙士登為大理少卿

壬申南吏部言卿寺科道即署員闕有六年未補章下吏部  
丁丑初清河口遽涸阻運御史蔣以化巡撫李三才各以聞  
且請寬過淮過黃之期許之

庚辰前御史王象蒙降衛輝府推官

命順天府禱雨

辛巳折湖廣黃梅等縣二十八年南糧七千五百六十五石



壬午兵部主事沈朝煥言戎政四事重京營

丙戌遼東大福堡火又地火見于太原堡其大如輪

四月丁亥朔日食改辛卯享太廟

戊子詹事周應賓為禮部右侍郎兼侍讀學士署院事

庚寅兩淮鹽法太監魯保請兼浙直織造給勅印部科交沮  
不報

大同副總兵王志賓進總督僉事

壬辰南大理右寺丞丁賓為南太常少卿

南司業傅新德為右春坊右中允兼編脩清理武臣貼黃

楚王華奎奏辨榮陽王府輔國中尉華越竄宗事章下禮部

初楚恭王隆慶初疾廢五年八月薨遺腹宮人胡氏明年二

月孳生子華奎華璧時款王疾久不且子且孳生何貌之異

也或云內官郭倫以族人如縉奴產子壽兒及王如言妻子


尤金梅所出並入宮妻子長為華奎次華璧儀賓汪若泉嘗

許奏事下撫按宗室同王妃之說而止華奎嗣楚王華璧封

宣化王華越言底趨也素強禦忤王妻又郭如言女知其詳華越

盟宗人某入奏楚先王風痺不能御內乃令宮婢胡氏詐

為有身臨蓐時抱妻兄王如言子為華奎又抱妃族王如縉




舍人王玉子為華璧皆出于妻恭人王氏口王氏如言女故  
知之二孽皆不宜封爵通政使沈子木持未上禮部右侍郎  
郭正域素聞其說與沈子木頗悟

黃汝良曰世人病中生子者甚多何獨楚王且王府生產  
自有衆目省視即使行詐何不詐於他妃宮嬪而獨詐于  
官婢其妃嬪豈能容之又生二王後又生一郡主假男為  
襲封也假女何為且如此大事並無質証而獨夫告妻証  
其為誣罔明甚先是楚王襲封有武昌王者几得其處已  
先行罔奏考案無驗事寢王業于華越無恩適江夏鄉紳

當路以宿憾嗾之乃復妄奏下撫按更覆覈竟無事寔乃  
罷華越獲譴而鄉紳某怨恨彌甚時有宮諭蔣不害益育  
冊封使楚還余問楚事蔣君言楚王與通山王形貌甚相  
肖據華越所奏楚王與通山王乃民間二父所生安得貌  
類其為誣妄更無疑矣

設遷曰楚恭王時錢塘沈樟亭為紀善一日忽出春申君  
呂陽翟二傳示之沈知其指以死謝不敢當因懼禍致其  
政歸見德符野獲編又予友吳氏仕楚府言楚王與宣化  
王異狀而黃宗伯所聞貌乃相貌類又誤以為通山王也



凡人所見安能盡同耶

乙未脩南奉先殿


丁酉少詹事唐文獻為詹事府祭酒楊道賓為少詹事兼侍  
讀學士並脩玉牒

田爾耕廕錦衣衛指揮使 田樂之子

戶部議行條鞭法

何喬遠曰予讀諸郡縣志蓋具設古者十一而賦用民之  
力歲不過三日君子用一緩二云由古之道變今之俗此  
何異孟氏所謂貊道者蓋征課不一納以條鞭海內以為

大便不特閩中願予里居久觀朝廷時有恩詔赦免錢糧  
起某一年盡某年几分几分者而縣已徵解久矣里甲踵  
門必如數輸官一有不敷叫呼罵罵隨其後而以復有司  
民戶輸納不前何膚受也僻遠之邑冠紳乏人老科貢為  
之令長分頭如額任其恣睢而大縣之吏以所進甲科為  
之其才力強智足以折服人輒謂上官以此定優劣雖云  
九分為率急之不至十分不止其資高明者盡徵于公而  
未必盡輸于公何可究詰之也孟子曰若夫潤澤之則在  
君與之矣此奉夫人之膽智哉又必有仁心為質意不盡



民夙夜在官不懈于位悉其耳目聰明以行于版籍額數之中則庶几徵斂不失民不至困析楊而竭囊橐又烏敢曰蠲曰貸也哉

戶部請發內帑給邊餉 上命借太僕寺馬價二之一

庚子工部右侍郎汪應蛟疾去


乙巳沈一貫六年考滿進左柱國少傅中極殿大學士兼支尚書俸廕中書舍人

丙午總督河道工部右侍郎曾如春卒字 江西臨川人

嘉靖乙丑進士授行人轉刑部主事至今官其勘河主開黃

家口領六十萬金竭志畢慮焉年 十 子祭葬

謝肇淞曰初河決時歸德時患淺議勿塞輔臣沈鯉以累其鄉而山東河南二巡撫議不合遂以河南巡撫曾如春摠河不使齊人有異議也既開新河雖深廣其南反淺隘故水不行所決河廣八十餘丈而新河僅三十丈不任受或告如春曰若河流既回勢若雷霆藉其自然之勢以衝之何患淺者之不深乎如春遂令放水河流濁下皆泥沙流勢稍緩下已淤半矣一夕水漲衝魚臺單縣豐沛間如春甫聞之下驚悸暴卒此亦宋慶歷李仲景之覆轍也夫



湖廣鍾祥地震次日報宣府地震

己酉李化龍以工部右侍郎總理河道

太僕寺舊庫自正德二年至萬歷五年共種馬價銀四百萬

遼自累歲借給今止百二十萬太僕卿王明言狀上命仍

如前旨

辛亥雲南土舍懷應祖襲土同知不予世

吏部文選郎倪斯蕙為太常少卿提督四夷館

直隸祁州大雨雹清苑蝗

壬子刑部尚書蕭大亨六年考滿進少保兼太子太保

勅許樞河節制江北河南山東等處巡撫官

癸丑夜西南流星大如椀色蒼白末有光

五月辛酉諸大臣及科道各劾遼東稅監高淮不法俱不聽准

最橫侵餉漁奪擁衛殆二千人騎七八百責將領厚饋矯中


旨檄朝鮮王作翼美冠十各綴大珠以百物餘稱是前月率

二百餘騎甲旆鳴金薄廣渠門云進稅馬大內久之去

壬戌封蜀府奉鐸隆昌王唐府器增寶慶王益府常濬安義

王益府由柘嗣羅川王周府肅濠嗣柘城王肅濬嗣瑞金王

在陔嗣鄆陵王



乙丑梁繼璠嗣保定侯

維璠從子

丁卯左春坊左庶子兼侍讀黃汝良為祭酒

乙亥南戶部尚書張益男六年考滿進太子少保

丙子福建浦城縣火

戊寅京師地震鳳陽皇陵大風雨雹拔木

秦王誼濂奏字太細命如嘉靖八年例

庚辰安肅大雨雹成安永年肥鄉安州深澤以漳滏沙燕等

河溢壞隄岸靜海祁州尤甚圮城舍殆盡

癸未卯刻月犯金星山東歷城縣大雨水二龍相觸推山走

石水溢十丈淹人畜亡笑

楊登山為署都督僉事總兵官鎮守四川復以平越府清溪

平浪偏橋鎮遠四衛隸湖廣黎平府隸貴州

薊鎮屬夷獐鬼犯車廠庄及冷飯谷官軍拒卻之劉四科進


兵部右侍郎

六月丙戌朔四川雜谷安撫司番僧來貢

丁亥初太常少卿趙崇善行人陳名岳使益府而益王計聞

禮部言冊使已行君命為重二王銀冊印俱鑄今年月日萬

無補改受封宜如常從之




已丑巡撫<sup>按</sup>貴州畢三才請提督王象乾同貴州巡撫平亭水  
西疆界

辛卯華越疏下部科

戊戌禮部署左侍郎郭正域言楚王襲封二十餘年何至今  
始發泄且不發于士民而發于女子骨肉間果真見否  
楚王上論華越彼同奏二十九人果公憤否乞下撫按公勘  
務楚王之原奏明而後楚王之名分可正各宗之真情得而  
後各宗之罪案可成 上從之沈一貫謂三不當勘宮闈暖  
昧也年月久遠也事體重大也宜下撫按體訪禮科都給事

中張問達詰郭在域何勘也曰某與楚王同城稍徇王見福  
非勘則楚王跡不白各宗罪不定王疏勘各宗疏不勘入于  
何服閣部齟齬一貫杜門沈鯉擬勘蓋勘王當撤府事前無  
例云

設遷曰羸呂之嫌涉于大藩其罰不細有前韓府漢陰王  
徵湜之已事在江夏不幸值其鄉鄙磯之不可秘之不得  
務按其事果豬龍干位往時舊宮人追僂當如千人即先  
恭王之死骨其足寒乎故四明寬楚意隱其過不欲以暖  
昧中人然不宜角江夏之袒也相國意所右撫按亦右之





何異同之有晉江黃汝良著水署筆談云江夏以祖父籍  
楚藩護衛得謫于楚王既貴乃欲脩却每對朝紳頌言楚  
王假子此華越之奏既絀轉恨政府不為主張遂造為妖  
書言政府潛謀易儲其誣江夏過甚江陵傾遠王前于江  
夏擠楚王于後豈楚士善怨凡護軍起家必操戈入人之  
室耶

辛亥李騰芳為右春坊右贊善兼檢討

壬子南工部尚書裴應章致仕


癸丑太常博士吳道行為吏科給事中

山東泰安州大雨水淹男婦八百餘人壞民居數千區

七月丙辰潘府靈壽王瑄謚康穆

辛酉李庭機為禮部左侍郎

甲子御史湯北京言工科給事中鍾兆斗劾左都御史溫純  
初左都御史溫純劾御史于永清給事中姚文蔚刺及沈一  
貫一貫冒嫌相擊 皇上雖再留純旨尚未溫畫南北于一  
廷之上脩睚眦于白首之交故示羈縻待其委頓無聊銷藩  
以去而令天下謂 皇上寔棄之又純未劾交清文蔚時一  
貫稱疾不出幕中豈無先哉入一貫奏辨不問



設遷日地有南北亦人因之操勝兢袒富平見忤于太倉  
三原再擠于鄠縣不出數歲此予彼盾大抵議論政事俱  
視相臣為轉移賢者脩其寔庸者徇其名又其下并名與  
寔溷之黨同伐異秦誓所云休々誰其人哉

丙寅御史張養志終養年久起光祿少卿

壬申禮部右侍郎郭正域等言先臣應奪謚四人則兵部尚  
書許論刑部尚書黃光昇大學士呂本禮部尚書范謙應改  
謚一人則左都御史陳瓚應補謚七人兵部尚書伍文定南  
刑部右侍郎吳悌右無都御史魯穆楊應繼宗吏目鄒智欽

天監監候楊源吏部尚書陳有年

周應賓曰黃光昇頗有清望為搢紳所重部議止以擬海  
瑞大辟一事貶之然少宰楊時喬嘗為予言海公下獄時  
楊公方觀刑部政黃尚書始比海公輕律政府以為輕之  
恐激上怒反致不測不如姑順旨而緩之故擬大辟尚  
書寔無他也方郭公議覆時左侍郎李公且至郭以黃為  
李鄉人恐奪其議故乘李未至前一日奏之


乙亥故富平知縣王正志卒于獄

丙子沈一貫乞休不允

國權

萬曆三十一年

十四



丁丑京中大雨雹

兵部以永寧宣撫司土婦奢世統與妻子宗周爭印仇殺立從子崇寧諸奸附水西立附利因四出焚掠請檄水西安疆臣撤阿利息其爭從之

己卯旌靖江王新環沁水王府輔國將軍瑄圻孝義

辛巳江南豐沛大水

福建惠安縣地震

八月丁亥福建泉州大雨海溢溺人數萬

戊子湖廣撫按趙可懷應朝卿公勘楚府郭倫等云恭王果

廢疾然不敢誅太妃王氏持之甚堅拷訊七十餘人俱不承

奏入下廷議朱國禎史概尤金梅自縊


辛卯歸朝鮮流民二十九人

甲午前中軍都督府右都督楊四畏

夜月犯斗宿

大理少卿張鳴岡為南太常卿

是月主試京省順天左庶子蕭雲舉左中允翁正春應天左諭德陶望齡右中允周如砥浙江檢討高克正戶科右給事中梁有年江西編修郭淍吏科右給事中陳治則福建編脩




陳之龍工部員外郎李之藻湖廣檢討孫如游吏部主事董復亨河南尚寶少卿趙標兵部主事王一楨山東工科右給事中宋一韓兵部主事徐鑾山西吏部員外郎王士騏戶部員外郎李作舟陝西刑部費元元工部主事馬從龍四主事川戶部員外郎江盈科主事崔師訓廣東兵部主事龐時雍中書舍人呂圖南廣西兵部主事沈光祚行人謝廷諒雲南刑部主事程寰大理左評事姜志禮貴州兵部主事朱光孚行人張國儒

福建同安縣颶風大作潮溢溺人亡美

九月甲寅朔改平越安定二衛學平越安順軍民二府學設黃平州學正

戊午朝臣議楚事于東閣言人、殊戶部尚書趙世卿言尤悉曰事理可思國論可採彼此之事詞可參華越之初揭可查武岡王之卷宗可覆按婦人之言決不可聽禮部左侍郎李庭機彙奏大抵如世卿指郭正域始訕

巡按雲南御史宋興祖劾稅監楊榮青麗江土官木增退地聽開採夫麗江古荒服也歷代不臣獨歸我明木氏世知府守石門以絕西域以守鉄橋以斷土番資其扞敵今自撤其



藩臣等不敢干預貽誤封疆

折免高安新建豐城泰新靖安上高新昌清江新喻新淦廬  
陵永新安福寧州武昌武寧峽江泰和龍泉安義宜春萬載  
分宜萍鄉災租

庚申提督李汶六年考滿進左柱國


甲子河南睢州流盜掠江北

巡按河南御史楊光訓訟故浙江巡撫李天寵之受冤章下  
所司

戊辰神机營右副將都督僉事杜桐為提兵官鎮守四川

庚午禮部右侍郎郭正域奏楚事之始沈一貫語臣親王不  
當勘但體訪臣曰臣與楚宗同城偏徇禍且至若不行勘科  
臣當言之一貫笑曰科道決不言也一貫于楚王疏先云當  
勘今云不當勘今撫按勘上楚王奏辨並下廷議先通政使  
沈子木匿華越疏則沈一貫主之又力不欲勘臣不知其意  
何也正域指楚王餽壽百金約謝萬金以東上  
已已刑科都給事中楊應文給事中錢夢皋各劾郭正域夢  
皋并及次輔沈鯉並不報

辛未沈一貫言華越入奏郭正域遣舍人道至沈子木所凡



覆奏片隻字不侵華越欲楚王避位聽勸是陰構之也有旨  
楚王事真假何至今發覺華越大訐妻誣豈可憑信禮帖原  
是壽儀後不書押俱難為據

癸酉庶吉士李胤昌睦石蔡毅中周如盤許獬劉一燦薛三  
省公為編脩孟時芳王陞張光裕鄭以偉雷思霈為檢討  
王元翰呂邦禮耀曾六德袁懋謙為給事中宋燾王基洪陳  
宗契馮奕垣為御史

戊寅大學士沈鯉乞休不允  
前巡撫偏沅江鐸卒字 浙江仁和人萬歷甲戌進士授

刑部主事歷山東左叅政開府黔陽奪情平皮苗林始終制  
沒于苦次予祭葬贈兵部右侍郎廕錦衣衛指揮僉事

十月甲申安徽潁州桃李花


前巡撫湖廣孫坤卒字 河南睢州嘉靖壬戌進士授刑  
部主事累遷今官

南太常少卿楊鳳罷

戊子山西大木廠災

己丑謚周府臨汝王安詩曰清惠

丁酉折免淮揚鳳陽災租



禮部右侍郎郭正域罷楚王華奎奏郭正域因隸本藩夙憾  
比姻宗室華越來京寓其兄國子監丞正位為所謀主宜斥  
章下吏部

戊申祭酒黃汝良為少詹事清理武昌貼黃  
福建泉州地生毛


十一月甲寅禮部左侍郎李庭機奏郭正域題覆楚王事先後  
不言其假無容再議上從之時票楚事皆次輔朱賡二沈  
引嫌不出

乙卯南刑部尚書趙參魯六年考滿進太子少保

戊午諭戶部福王歲祿萬石今在京歲支三千石鈔萬貫待  
之國全支

己未蠲山東金鄉等十六州縣貧民鹽鈔及濟寧任城屯糧  
辛酉浙江江西福建地震

甲子福建礦稅太監高寀奏奸民張嶷百戶閔應隆渡海往  
呂宋國採机易山金豈之妄先是嶷誑奏得旨福建巡撫檄  
海澄縣丞王時和及應隆同往佛郎机國酋宴丞問金豈生  
何樹也丞無以對數日疑之泛言曰大地皆金何必問樹酋  
大笑几殺丞歸悻死嶷無以報命逮斬傳首海外呂宋國




因厚市華人鉄器、空盡殺華人凡三萬餘有潘利五夜刺  
首死遁歸後下獄

乙丑蕭雲舉為祭酒

丁卯蜚語曰續憂危竝諒凡三百餘言謂東宮不得已立  
之而從官不脩寓後日改易之意其特用朱賡者更也一  
時鄭妃約暗寓中外官附賡者文則王世揚戎政尚書孫鏜  
保定巡撫李汝陝西提督張養志御史武則王之楨錦衣左都督  
陳汝忠京營巡捕王名世錦衣千戶王承恩錦衣千戶鄭國賢錦衣指揮  
又有陳矩朝夕帝前以為之主沈一貫右鄭左王太子以規

福避禍他日必有靖難勤王之事吏科都給事中項應祥捏  
御史喬應甲書其刑一夕間自宮門迄于街衢皆徧厥明舉  
朝失色莫敢言朱賡得于私宅以聞請緝其人身乞歸不允  
上大怒令廠衛搜緝務得造書主名責項應祥王喬應甲回  
奏沈一貫請嚴跡之偵校塞路購賞格五千金官指揮僉事  
或曰妖書似出清流之口將以傾沈一貫者或曰此奸人作  
之以陷郭正域時有清流領袖之目見忌一貫正域

夏允彝曰見怪不怪其怪乃敗當初發時倘上令焚去  
置不聞不亦可乎而當局者竟借以傾清流故激上怒





至此可數也

王思民為右副都御史巡撫福建

已巳喬應甲項應祥各回奏以奸書謗人無自名理不問

庚午御史康丕揚將例轉內監賈忠貞語丕揚乘妖書可免

遂請即結楚獄逐游客僧道毋隱奸 上是之

辛未慰諭 皇太子又傳戒內外執事者 上自泣下 皇

太子頓首謝

癸酉刑科給事中錢夢臯奏錦衣衛左都督王之楨

楨圖疏辨皆有所指似知其人千戶王承恩王名世疏辨云

好惡不可忍命詰之于是王名世首錦衣衛都督僉事周嘉

慶而王之楨李楨國王承恩合指之下東廠會鞠嘉慶妻妾

又舍人袁鯤慘甚至死不承蓋嘉慶負氣忤之楨同官相傾

嘉慶祖詠以軍功廢娶吏部尚書李戴之女弟時訛言沸涌坊市無敢偶語

丙子提督東廠司禮太監陳矩以錦衣百戶崔德緝順天黜

生皦生光鞠之子其篇婦趙氏陳氏并獻生光性險賊善脅

人金坐譴成大同赦婦終不悛猶脅鄭國泰家鞠日王之楨


請專人聽記有旨不許又密懇于矩、不聽

戊寅禮部右侍郎周應賓詹事唐文獻侍班東宮少詹事楊

國權

萬曆三十一年

十一




道賓右中允王圖左右中允兼編修吳道南馮道南直日講  
庚辰錢夢臯論妖書刺次輔沈鯉謂郭正域衣鉢門生也蓋  
沈一貫當路忘左都御史溫純疆直鯉躡尤負望供天啟  
聖聰牌于閣入則禮之素善郭正域時開告密對人曰此事  
何必張皇也一貫大不憚正域放歸待東流潞河之楊村聞  
問不絕沈氏益側目

申刻有大星如球自福建泉州南有聲

辛巳沈鯉奏辨不問

十二月壬午朔錢夢臯奏攻郭正域寓僑醫吳江沈令譽多貴

游巡城御史康丕揚跡捕之搜得楚王華奎揭華越副封又  
刑部主事于玉立所致吏部郎中王士騏書以玉立起官士  
騏與郭正域之力也又前漢中府同知胡化首首渠縣訓導  
阮明卿撰妖書化家居忤知州阮上卿走京師適上卿弟明  
卿選訓導因誣奏之廉問無據明卿為夢臯姻故論郭正域  
曰沈令譽郭氏之食客胡化又同鄉同年也當亟訊奸黨治  
正域亂楚首惡之罪次輔沈鯉屢為奸人緩頰舉朝曰大變  
彼曰小事舉朝曰當捕彼曰可容所上揭有震動人心虧損  
聖德等語曰互隱伏意欲何為疏入中外大駭時又捕僧達



觀以達觀答郭正域書有云慈聖欲建招提見處主上斷  
不與安得云孝亦搜之沈令譽所

提督京城巡捕陳汝忠以郭正域舍人毛尚文入京鞠之并  
逮正域家口十三人及布衣王忠巡城御史康丕揚捕僧達  
觀琴士鍾澄百戶劉相等同沈令譽拷掠皆不承  
癸未晉府河東王慎鍵謚安恪趙府江寧王翊銘謚端和秦  
府永安王敬鏞謚昭憲  
周嘉慶釋獄

國權

鹽官設遷孺木著

萬曆三十二年甲辰

正月壬子朔 上不朝

己未琉球入貢賀東宮

辛酉初 上手諭內閣以祈天永命保國安民事宜沈一貫

等奏 皇上視財太重視人太輕取財太詳任人太略宜亟


罷礦稅補廢官擬諭四道不報

壬戌前協理京營右都御史兼兵部左侍郎顧養謙卒字益

國權

萬曆三十二年

一




卿江南通州人嘉靖乙丑進士授工部主事歷郎中累至今  
官倜儻豪邁以才武稱于薊遼年六十八予祭塋  
癸亥吏部大計奏上未下

禮部尚書兼學士曾朝節卒字直卿湖廣臨武人萬歷丁丑  
進士官編修歷今官溫恭愍慎時推長者年七十所著芝園  
集易測臆言大學解若干卷賜祭塋贈太子太保

乙丑總理河道工部右侍郎李化龍請開泇河曰河自開封  
歸德而下合運入海其略有三由蘭陽道考城至李吉口通  
堅城集入陸庄樓出茶城而向徐邳是名濁河為中路由曹

單豐沛出飛雲橋入龍塘出徐溝而向徐邳是名銀河為北  
路由潘家口過司家道至何家隄經符道離睢寧入宿遷出  
小河口入運是名符離河為南路南路近陵北路近運惟中  
路既遠于陵亦濟于運前督臣排群議以興茲役竟以資運  
乏絕不得竣事然自堅城以至鎮口河形宛然故為今之計  
惟守行隄開泇河其善有六其不必疑有二云一工部覆從  
之運不借河善一二百六十里之泇口避三百三十里之黃  
河善二運不借河則我為政善三估費二十萬開河二百四  
十里善四開河召募濟貧民善五糧船過泇春盡畏行河漲



運入沔河朝暮無妨善六為陵捍患為民禦災無疑一徐州  
向苦水開沔河以安徐人無疑二又工料給事中侯慶遠亦  
稱便或費澁不妨增益工部覆從之

己巳福王婚費三十萬金有奇

庚午夜月犯角宿

癸酉禁蜚語游士

甲戌禮部覆樊山王鎮國將軍翊慶請立宗學領以宗室府  
略比流官從之即授翊慶

乙亥閣臣再請下大計未報

丁丑科道拾遺未下

禮部請宣播州之捷告郊廟從之

辛巳少詹事楊道賓知貢舉

思明府土目陸佑叛入安南旋殲之

二月癸未沈鯉辭主試謂臣入朝人皆預擬次輔典試也

丙戌朱賡與禮部右侍郎唐文獻主禮闈

設貴州夜郎巡檢司于播州


丁亥少詹事黃汝良直東宮

禮部右侍郎李庭機言宗藩捷法曰免重結蓋報生一結父

國權

萬曆三十二年

三



母來歷既明此後選配另結外至于請名請封請婚單取王宗結竟遞各長史教授據宗結具奏曰定取期既有保生奏結又有玉牒冊妾媵妾年終攢造冊殤卒冊俱可備查本部復設格眼將各宗父母來歷生卒月日并保結某室某人備書位下該司呈堂親注應名封者註應字另題者另註字用印每年挨查其期某府某位類行長史教授啟知如萬歷十七年報生今年十五為封婚之期則行取請婚選婚如二十七年報生今年五年為名期則行取請名本部如期行該府類奏則府役部役何所需索提綱挈領去繁省奏莫捷于此

從之


戊子吏部乞留入計諸臣選科道不許

庚寅署兵部事刑部尚書蕭大亨言萬歷二十五年九月恩詔內勾軍其遠年租軍族盡者准銷有丁者許附近衛萬歷三十一年十月山東巡撫黃克纘則盡改近衛邊地必至空虛今臣酌議未經赴部題請者如撫臣議停止從之

辛卯巡撫湖廣趙可懷九年考滿進兵部尚書

甲午大同應州地震

丁酉夜火星逆行入角宿



旌蜀王宣圻助餉立坊曰忠賢懋著

甲辰鎮安府泗城州土官岑奇鳳等入貢

丙午駝龍奔古阿著等族番人竹節永肖等入貢

己酉駙馬都尉楊春元微服走固安命錦衣衛官追之教習  
禮部主事鮑應鰲及其父免官

庚戌四川貴州廣西湖廣等萬里等寨等并宣慰司安疆臣

入貢

三月癸丑御史余懋衡等奉遣請符驗命俟訊明妖書

丙辰兵部言海西建州二夷歲貢交通積猾分守需索宜如

及顏三衛例留賞塞上于十人令一人入京而督撫云貢夷  
橫肆應革賞選材官四五員輪押三年內有功者薦用違犯  
者永革報可

丁巳福建漳泉地震


甲子乾清宮成

叙松山斬獲功

乙丑策貢士楊守勤等三百人賜各進士出身有差

丙寅騰驤右衛千戶李英請清御馬監牧地歲可二萬金命

御馬監右監丞王昇往閣揭沮之不聽



丁卯遼東稅監高淮奏昨十一月千樞楊于世以冢宰李戴書及符繻往遼東命逮于世同周嘉慶皦生光袁鯤等對鞫

戊辰勅御馬監左監丞王昇徵服牧馬草場祖課

夜大同陽和見有大星如斗先白色漸赤其光燭地  
謚淮府廣信王厚燦順恭永豐王翊鈺莊裕德興王厚載端  
順

戊寅詔革駙馬楊春元都尉切責之閣揭謂春元尚榮昌公  
主十年子四歲今欲棄秩歸田情必難堪更加詰責恐傷至  
情但密諭省改戒府中門婢務遵禮法 上然之命春元國

子監習禮百日

庚辰左都御史溫純言礦稅毒虐乞逮廣東稅使李鳳撤陝  
西稅使梁永雲南稅使楊榮不報

永寧土司奢世續奢崇明事平

四月辛巳朔日食改乙酉享太廟

壬午閣臣請下考選科道不報


乙酉提督東廠司禮太監陳矩奏妖書獄移皦生光刑部論  
斬 上欲加等以謀危社稷律論磔矩素清直妖書事保全

善類為多

國權

萬曆三十二年

五





癸巳命順天尹禳雨

巡撫甘肅徐三畏加右都御史

廣東左布政使徐應奎致仕加太常卿

甲午提督倉場戶部尚書謝杰卒字 福建長樂人萬歷

甲戌進士授行人使琉球歷右僉都御史巡撫南贛汀漳敏

才任事調今官年 十 子祭墓

乙未刑科給事中錢夢舉例轉湖廣布政司右叅議沈一貫  
揭留之

設遷四日明越年例揭留錢夢舉其後又留康丕揚何示

人之以私也四明萃仕以學行著觸忤江陵及身當其國


明扞考功法江陵有是耶

已亥錢夢舉言科臣都給事中有序轉餘有劣轉都給事中  
外轉則叅政左右給事中外轉則副使叅議散科外轉止僉  
事令臣推叅議謂優則自揣無功謂劣則臣罪未著乞該部  
明其功過有旨仍故官

庚子載堯封襄王翊鎬嗣蘭陽王載堡嗣廣信王朗鎮嗣建

寧王常湍嗣平度王恭樞嗣儀封王朝濫嗣上雒王睦陞嗣

臨汝王承鈞嗣慶符王



左都御史溫純提督宣大兵部尚書楊時寧各考滿加太子  
太保

壬寅曠生光磔于市妻子戍邊妖書非生光也第其人有可  
死故人不甚憐之御史沈越力持生光已越出使道卒時見  
生光求償或曰妖書出武英殿中書舍人永嘉趙士楨後士  
楨疾篤自言之肉碎落如磔

設遷曰妖書一夕徧朝市間其事甚怪而緹校勾攝旁午  
四出與漢治巫蠱獄何異王之楨猶江充也四明猶公孫  
賀也即不株東宮于舍沙射人寧有幸乎曠生光誣服


以死得弛羅織設事更遲回魚網之設鴻則罹之都人未  
得安枕也易曰君子慎用刑而不留獄今安得張釋之于  
定國而語之哉噫

錦衣衛百戶崔德為指揮僉事如賞格

甲辰南工部右侍郎范崙為尚書

庚戌御史康丕揚叅楚宗華越等謀陷親王之罪并刺巡撫  
趙可懷等模稜觀望命下所司

五月壬子巡按四川御史李時華奏勘播州地界曰沙溪渭河  
在播州水西見有之見于通志當陽相出奔時爭界兩省勘



還謂非播地其誰信之此摠督所以繪圖也然水西侵疆非  
安疆臣始疆臣守祖父遺地為故物方貴州危時一兵一餉  
俱藉疆臣故撫臣許其拓土今即不然而反割之如撫臣何  
今日或予或奪惟在上裁章下所司

甲寅南提督操江右僉都御史耿成力九年考滿進右副都  
御史

乙卯 青城縣天鳴

戊午順義王捨力克并套寇虜夫卜兔等各貢鞍馬弓矢求  
陞賞量許之

己未皇孫女生

壬戌謚益府安仁王常淶曰昭憲

乙丑東廠太監陳矩錦衣衛左都督王之楨等各廕錦衣衛

百戶


吏部左侍郎楊時喬攝部事

辛未巡按江西御史吳達可薦布衣章潢隱居樂道年逾八

十且如吳與弼胡居仁例優以京秩禮部覆上不報

壬申進福建摠兵官朱文達都督僉事時況倭舟二十五艘

擒斬百三十二人



癸酉夜大雷雨藝長陵明樓碎 文皇帝陵牌

甲戌建州衛夷入貢


乙亥南大理卿游應乾為戶部右侍郎提督倉場馬鳴鑾為右僉都御史巡撫軍務

部院諸大臣伏闕奏去年四月朔日食胃度今四月朔亦然  
昨年五月二十三日雷震皇陵今是日又長陵此一異也陰  
霾經月霖雨經旬京城內壓死數十人城外漂蕩數百家此  
二異也天壽山孽虫食松柏洪水衝橋道此三異也願 陛  
下惕然思幡然改勿輕宗社勿簡政事易災為祥當必有道

伏闕歷辰午太監田義傳諭各安心供職毋要挾沽名

六月庚辰朔叙楚黔皮林功進沈一貫少師廕中書舍人沈鯉  
太子太保朱廣太子少保各廕子入監賜金幣進巡撫楊芳  
兵部右侍郎

兵部覆總督王象乾巡按李時華水播分界事在象乾謂水  
播以渭河分界在時華謂水西助兵失之土司得之土司非  
分我內地臣等竊議據法凡播州故地當復平心而論亡論  
渭河在所當予即上堰即烏椎尾諸處嘉隆以前當曲處以  
示朝廷之寬章下撫按



甲辰皇子常溥生

己酉東寧伯焦夢熊恭順侯吳汝胤為後右軍都督府僉書

七月庚戌朔京師大霪雨

壬子沈一貫請叙播州功報不

戊午太僕寺添註少卿何倬為大理左少卿

己未禮部奏貢番昔藏等貢籍不載詔卻之仍給賞

辛酉發太僕寺十萬金賑都民

光祿少卿馮蕞為太僕少卿吏禮科都給事中項應祥張問  
達為太常少卿

癸亥畿內永平保定真定等水災

甲子南光祿少卿鄒觀光為南太僕少卿

丁卯起劉應麒南大理卿

戊辰錦衣衛都指揮李如楨提督京城巡捕


癸酉沈一貫上揭曰恤西山被災審戶曰叙播州功曰截漕

十萬石墾荒江北曰定館師曰補部院大臣庶僚曰蠲牧地

命免徵審戶三月截漕六萬石撤王昇

甲戌前南兵部右侍郎許孚遠卒字 浙江德清人嘉靖

壬戌進士自工部主事歷吏部郎中出廣東按察僉事至今



官性質直不事藻飾學務寔踐年 十 予祭塋贈南工部

尚書天啟初謚恭簡

禮部左侍郎李庭機定京省提學官准三年內歲考科考毋類考從之

乙亥福建左布政使徐學聚為右僉都御史巡撫福建

丁丑陳啟嗣嗣平江伯

八月庚辰右春坊右贊善李騰芳為右中允署司業

辛巳 秦州地震如鼓聲

閣臣奏辛丑庶吉士擬科道及二十六年行取候補給事中

吳道行沈鳳翔汪若霖朱一桂候補試御史朱燾又起復候

考熊鳴夏周若庠蕭淳臣等屢催請乞早降德音

甲申冊順妃李氏

乙酉吏部右侍郎周應賓禮部右侍郎唐文獻俱協理詹事

府教習庶習吉士


庚子巡撫山東黃克纘報河決蘇家庄淹江南豐沛等縣黃水逆流灌濟寧魚臺單縣而魚臺尤甚邑地十五社止一舍不及水

辛丑諭內閣切責伏闕奏擾廷臣

國權

萬曆三十二年

十一



甲辰太僕寺添註少卿林煜為南太僕寺卿  
丙午武驤左衛百戶陳起鳳奏請採大木以覲利除名盡逐  
其黨

福王常洵因天變辭崇文門外官店不允

九月戊申檢討蔡毅中上皇明祖訓節略內閔礦稅者為註疏  
二十二卷不報

己酉賜建德王竑翊鈇書院曰守義

庚戌山西左布政使李景元為右僉都御史巡撫山西提督  
鴈門等關應天府尹趙欽湯為南通政使

癸丑朝鮮國王李暉貢方物求次子瑋封為世子

甲寅右春坊右諭德吳道南左中允楊維禮主武閣


故吏部尚書倪學曾孫儒翰特補入監不為例

太常寺少卿趙崇善卒崇善字伯蕪浙江蘭谿人萬歷丁丑  
進士

丙辰大少理卿李堯民為應天府尹

故南祭酒蔡清贈禮部左侍郎謚文莊

丁巳巡撫寧夏黃嘉善進右副都御史廕子入國子監以軍  
功故



辛酉夜木火土星聚尾宿順行

刑科都給事中楊應文為南太僕少卿添註

壬戌巡撫雲南陳用賓奏平緬夷內附

南尚寶司卿于若瀛為通政司右叅議

辛亥巡撫鳳陽李三才報稅監陳增搜參隨程守訓王惟忠

等橐貨亡美守訓供四十萬請盡其法詔逮諸黨翼

乙丑夜客星見西南赤黃色大如彈丸

戊辰南刑部右侍郎王基為南戶部尚書兼右副都御史摠

督餉糧

庚午禮部言朝鮮舍長子臨海君瑋立次子光海君瑄非制

上然之諭李昞再思毋後悔

魏國公徐弘基為南中軍都督府僉書

壬申釋馮應京華鈺何棟如等獄永不叙用

分水河成

癸酉前南兵部主事李復陽為尚寶少卿

前協理京營兵部右侍郎許守謙卒字

直隸棠城人嘉


靖乙丑進士予祭葬贈兵部尚書

套虜炒忽兒等犯延綏孤山東路副摠兵杜松卻之斬十二

國權

萬曆三十二年

十三





級炒忽兒中矢死

閏九月庚辰

醴縣地震震如雷壞城舍又白楊吳泉間地

裂三丈餘涌黑水搏擊丈餘


壬午謚周府吉安王朝堤榮順唐府新野王碩燦莊憲追封

柘城王翊鎔榮和

楚宗人蘊蓋等殺巡撫趙可懷先是楚王華奎獻萬金助工  
渡江宗室數百人劫之于漢陽兵巡副使周應治捕三十六  
人下獄各宗大譁應治走免可懷聽其獄下堂垂問蘊蓋輩  
以手械擊可懷首立死各宗揚言仍曰殺我家更即上怒

賜帛止矣睢盱自行巡按御史吳楷上變云并毆周應治竇  
子僞傳檄順流南下則楷在荊州流聞各宗因家居安然也  
事聞命河南鄆陽各嚴兵防其逸趙可懷 字 四川  
人嘉靖進士

設遷曰黃汝良冰暑筆設楚王事得白因謝恩有所進奉  
江夏以所憾未釋意楚王必有重賄以謝政府乃嗾諸宗  
至江干掠其賄搜取與政府書云夫諸宗劫貢彼愚悖  
自陷于辟若就美命嗾之則美命固罪首也諸宗後論死  
何德于美命而諱之乎其詆誣美命也已極毫毛茂陷



文活不非謂是耶

乙巳諭平播功陞賞不及云爵云及何

丙午沈一貫言宣德九年平松潘功總兵方政止右都督成  
化二年平都掌蠻功提督程信止兼大理寺卿萬歷二年平  
九絲蠻功巡撫曾省吾止侍郎總兵劉顯止都督同知今播  
功雖大而總督一巡撫二總兵五其功同概爵則濫歸一則  
偏不若優其陞賞也謹擬李化龍少保世錦衣衛指揮使總  
兵劉綎復原官陳璘進左都督世指揮使馬孔英出降胡吳  
廣李應祥出武生世錦衣正千戶巡撫郭子章江鐸俱量加

官從之

湖廣左布政使梁雲龍為右副都御史巡撫湖廣


十月庚戌諭鄖陽江西河南撫按及南守備官協剿楚叛

南右春坊右諭德劉日寧為南祭酒

辛亥起孫鑛為南右都御史

壬子戶部尚書趙世卿請劾邊餉報可

甲寅始叙平播功李化龍兵部尚書進少保世錦衣衛指揮  
使貴州巡撫郭子章右都御史兼兵部右侍郎仍巡撫廕錦  
衣衛指揮僉事湖廣巡撫支可大復原官廕子入監偏沅巡



撫江鐸贈兵部右侍郎廕錦衣衛指揮僉事劉綖陳璘俱左  
都督世本衛指揮使吳廣李應祥世本衛正千戶贈應祥左  
都督張棟楊世教楊寅秋各贈太僕卿廕子入監蕭大亨改  
兵部尚書加原廕一級世襲

設遷曰秦蜀兵興各懸賞格不受封侯之爵尋事定賞俱  
不行謂功非一人繫爵則濫獨不曰發縱指示折衝橫草  
有不當平論者乎諸大將馘一小醜猶得一階半級今越  
若干年頭鬚為白或化為異物又甚者景風之賞未甄膚  
受之言已至檻車對簿釋甲就徵此何法也朝四暮三則

狙怒今國家論功專怒狙之術不令人喜何以勸後援梟  
鼓則忘其身乎


丁巳楚府叛宗皆下獄先三十三人繼四十三人

已未刑部尚書蕭大亨改兵部尚書兵部尚書王世揚憂去  
巡撫南贛汀漳李如華加兵部右侍郎

進沈鯉少保朱賡太子太保兼文淵閣大學士廕中書舍人  
俱以考滿

丁卯命太僕寺以郡民之餘分賑保定薊鎮各三萬金

四川華陽縣天鼓鳴



癸酉先是李化龍憂去巡撫應天曹時聘為工部右侍郎摠  
理河道

甲戌禮部主事彭遵古為尚寶司丞

十一月丁丑朔日南至戊寅免朝賀

乙酉刑部左侍郎董裕署刑部事前山東左布政使沈應文  
為刑部右侍郎左通政周孔教為右僉都御史巡撫應天


夜浙江福建地震興化尤甚壞城舍數夕而止

丁亥兵部覆巡撫福建徐學聚奏逐內洋紅夷從之

辛卯檢討朱國楨為南司業

乙未前戶部右侍郎王之垣字爾式山東新城人嘉靖壬  
戌進士除荊州推官拜刑科給事中進聖功錄基命錄皆留  
覽進太僕少卿三月轉鴻臚卿萬歷初進大理右少卿轉左  
又改南太僕卿尋轉北遷順天尹進右副都御史巡撫湖廣  
遷戶部右侍郎督理京營改提督倉場歸省遂不出年七十  
八子象乾摠督兵部尚書象晉進士象賁戶部員外郎其門  
鄉舉十四人甲榜十人當世稱新城王氏最盛予之垣祭葬  
贈戶部尚書

甲辰摠督漕運李三才奏南京稅監陳增死令儀真稅使內



官監暨祿兼理

虜犯河西新河

十二月丁未朔旌魯王壽鉉衛府高唐王翊鑲孝友

己未蠲鳳陽淮徐逋租

辛酉夜客星見尾宿

甲戌予故巡撫大同兵部右侍郎房守土祭塋山東齊河人

萬歷丁丑進士

國權

監官設遷孺木著

萬歷三十三年乙巳

正月丙子朔上不朝有男子趙應元登午門樓執之

庚辰虜銀定歹成犯甘肅鎮番衛總兵達雲遣副總兵柴國


柱擊斬三百餘級

辛巳提督川貴湖廣兵部右象乾憂去

丙戌吏部左侍郎楊時喬請京察期主上即命時喬沈一

貫忌時喬清嚴擬兵部尚書蕭大亨主計不允

國權 萬歷三十三年



國家圖書館, NATIONAL CENTRAL LIBRARY, TAIWAN, R.O.C.

大理左評事姜志禮言本月十日臣同刑部主事陳國是及提牢主事顧自植視囚斃十五人推之即日推之他處又何極也乞於原輕繫勿致淹頓不報

壬辰廣東撫按戴耀林兼漢奏稅監李鳳憾潮州推官姚會嘉遮辱于廣州不報

甲午罷四川遵義兵備左布政崔應麒褫兵備叅議徐仲佳通判鄭弘烈職奪提兵官林桐二月初提督王象乾以遵義人羅學茂等諳土事令千總周世祿詢之學茂等述水西侵地狀誘安疆臣弟順臣攜衆四百人及西人七百餘家來歸


稱獻地疆臣勒之訴巡按御史李時華捕學茂得道臣兵追諭帖鄭弘烈書因劾應麒等請歸其西人

辛酉脩天壽山諸陵

癸卯吏部京察老疾三人貪酷十人罷軟六人不謹九十人浮躁三十九人才力不及三十二人疏留中

定河南開福王府內監孔一龍工部主事房楠監工

二月丙午諸大臣自陳乞罷俱留之惟工部尚書姚繼可不報巡撫廣西楊芳國言稅監沈永壽以土產金銀鉛錫苛派有司包解永康思恩等州縣原無礦峒亦派一千三百金宜免



不報

己酉巡按廣東御史林秉漢上三事清仕路籌邊餉厚宗藩  
因言楚宗賤撫臣罪因赦假全王豈全無影響且如憲  
宗朝故事或下撫按或遣廷臣往勘如假則正法如真則治  
枉罪不報刑科給事中錢夢臯駁其私耶正域臣被察因當  
當事代為正域地有旨謫秉漢

庚戌總督宣大山西太子太保兵部尚書楊時寧自陳許其  
致仕

癸丑遼東總兵官寧遠伯李成梁年八十乞休不允

戊午巡撫江西兵部右侍郎夏良心卒字景堯安徽廣德人

隆慶辛未進士授刑部主事累至今官忠誠廉慎終無言議

予祭塋贈兵部尚書立褒德祠

庚申夜月食

癸亥右春坊右中允楊繼禮為南左春坊左諭德兼署翰林  
院事

乙丑南吏部京察疏上留中

尚書曾同亨考功郎中徐必達戶科給事中祝世祿


察處

丙寅謚周府博平王朝基榮和彰德王朝滋榮昭潘府沁水  
王瑄塔康僖 蘄王憲煜榮順光澤王憲燿莊懿楚府通山

國權

萬曆三十三年

三



王蘊鉉恭憲追封潁川王勤煥懷端

辛未脩孝陵成

三月丙午宣府總兵官梁彥免失援清河且冒捷也

辛巳吏部趣計疏有旨留被察給事中錢夢鼎等御史錢一

鯨等餘如議

辛巳諭吏部都察院曰京察科道不稱職者甚眾豈皆不肖

必有私志朕不得無疑蓋去沈一貫私人被詰責也

丁亥吏部左侍郎楊時喬左都御史溫純等言察處科道毋

萬歷二十一年科七人道十人二十七年科五人道九人今

議處科四人道七人皆參眾矣公而聖諭嚴切臣等無狀宜

罷上不問

己丑禮部右侍郎唐文獻卒字

江南華亭人萬歷丙戌

進士第一授脩撰進右中允右諭德歷少詹事至今官學術

純粹直東宮善啟沃沈一貫忌其清勁予祭一牛塋吏部覆


請贈禮部尚書加祭一全塋天啟初謚文恪

庚寅司禮太監田義同總督京營泰寧侯陳良弼署協理京

營兵部尚書蕭大亨巡視京營御史李楠大閱三營

工部尚書姚繼可乞休三十有六未允因掖至文華門泣

疏





奏 上責其狂躁

乙未江南副總兵官侯國弼為署都督僉事總兵官鎮守四川山西總兵官都督僉事姜顯祚為鎮朔將軍總兵官鎮守宣府

丁酉裁 馬湖府通判一

辛丑立長陵碑侍郎李庭機祭告

總督南糧王基以拾遺自辨 上特留之

壬寅勅總兵官馬棟鎮守山西

行人劉宗周終養

甲辰前戶部右侍郎莊國楨卒字 江西晉江人嘉靖壬

戌進士令會稽擢戶科給事中歷前官予祭葬

四月丙午裁同州判官鎮原縣丞狄道縣摩雲嶺安定縣嶺口

二巡檢司 陝西


甲子蜀王宣圻前辭祿千石至是告贖復之不為例

丙寅湖廣武昌地震

己巳前都督府興安伯徐繼榮卒

辛未 上不豫御殿傳制封在綜奉新王勤職義陽王在壑

安吉王由棟安仁王載坻貴溪王壽鏐東原王以浩安邱王



壽隆鄒平王盛浮通城王奉錄南川王效鑿保定王效鏗沁  
水王誼沅永壽王敏愬河東王術輜蘄水王是日行人李嵩  
使 府不至奪俸二月  
五月甲戌祭酒蕭雲舉為詹事兼侍讀學士清理武臣貼黃  
左右春坊庶子全大叙王圖為少詹事兼侍讀學士同纂脩  
玉牒  
丙子伏菟伯毛國器省墓  
己卯薊鎮石塘路大雨斃數十人  
癸未工部請禁雜差擾驛從之

甲申京師大雨雹

乙酉雷燬薊鎮松棚路墩臺己丑又燬燕河路墩臺

東虜二百餘騎流掠遼東戚家堡

謚上蔡王載堧溫裕

辛丑廣西陸川地震聲如山崩壞城舍人畜亡美

六月丙午前


馬湖知府郭郭辛字維藩安徽涇陽人嘉靖

戊午貢士踰強益學授教龍巖洞中久之就獲教諭隆慶初  
擢國子助教遷戶部主事萬曆庚辰出知馬湖三年自免學  
重根本兢主教不自屑越年八十八所著仰鄭堂集自警

國權

萬曆三十三年

六



俚語等書行世門人私謚曰貞懿先生

丁未諭放輕囚

戊申叙廣東錦囊南澳欽州等禦倭功

丙辰宣臨洮河州之捷

戊午吏部言終養之例惟京官外方面官得陳乞府佐以下不多見也近多濫觴必歷三年經薦者方許代題從之

東虜百五十騎犯戚家堡

庚申吏部員外郎賀燦然言被察科道與左都御史溫純皆當去不報議者謂燦然調停國是不別涇渭非制也

壬戌吏部左侍郎楊時喬以溫純共事上章自理不報

癸亥南吏科給事中陳嘉訓御史蕭如松等各論錢夢臯鍾


兆斗飾辨報怨不報

丁卯南御史朱吾弼言拾遺大臣必不可容被察科道必不可內外官各衙門諸臣必不可已極論沈一貫結近侍陽施陰設不報

己巳領中軍都督府寧晉伯劉允正卒

庚午陝西嘉石草坡等族番人來貢

廣西靈川縣社稷壇地陷丈餘



七月丙子兵部主事龐時雍論沈一貫欺罔十惡誤國十罪乞

早決弊源不報

戊寅趣琉球封使渡海

辛巳左都御史溫純致仕錢夢臯鍾兆斗各避疾京察始得

奏太常少卿桂有根調南鴻臚卿張棟開任太僕少卿王立

賢調外

前禮部尚書陸樹聲卒字與吉江南華亭人嘉靖辛丑進士

第一壬寅歸省乙巳授編脩壬子請急還喪父丁巳起南司

業居二年引疾去辛酉起南左諭德進南太常卿署祭酒遷

吏部右侍郎疾去隆慶起原官不赴明年復姓陸起詹事教

習庶吉士又道及萬歷初起禮部尚書復引告登第六十五

年再入朝六引退實俸不一紀先後二三寵相嚴嵩徐階張

居正不能榮辱性恬默嚴重嘗曰士大夫于世法中惟廉取

薄享可逆續壽命之源年九十有七子祭墓贈太子太保謚

文定

鄒元標曰陸公棄軒冕如道士也世高其節林臯儵然也


世羨其達不知公身依日月寧忍以高為名而興寄邱園

穆：熙：蓋兩有事焉當嘉靖及今上初政時寧公得志

國權

萬歷三十三年

八



日乎默感者良深而林君退然若谷所造者淵矣

陳繼儒曰吾友周子紹節之善狀公也謂公高風漸達似陶元亮而無瓶粟之窮者年夙德似高伯芬而無夷主之危祿位名壽似郭汾陽而無朝恩之譖游戲禪宗而無伯道之悲潛神羲畫似邵堯夫而無冬夏之苦忠信篤敬而無子方之辱守正不阿似司馬君實而無介甫之爭遂為今古完人知言哉

設遷曰陸文定微時孤苦嘗躬耕壟上挾書自隨中歲釋褐志無溫飽嚴分宜炙手時屏居猶易徐文貞以鄉衮推挽不置仍迴車避之非所稱履道坦坦者哉大臣德壽終始蕭山魏文靖公驥年十七稱獨盛陸文定事與之匹懿哉純質之絕軌也


壬午呂梁河澁

河南左布政使霍鵬為右僉都御史巡撫大同許察處留用御史張以藻蔣以化楊文滙予告

癸未謫賀燦然龐時雍等官奪浙江道御史朱吾弼歲俸

甲申拾遺南戶部尚書王基免

友可大陳洙並許致仕李植調南京



陽和地震

乙酉應天府尹李堯民罷

甲午夜月犯畢宿

戊戌延綏總兵官李如樟為中軍都督府僉書

庚子尚書姚繼可致仕

山東登州地震

八月甲辰協守孤山副總兵杜松為鎮西將軍右都督僉事總

兵官鎮守延綏

五路台吉悔罪賜順義王忠順夫人金幣素囊台奏請之

乙巳太僕少卿連標為太僕卿

丙午左副都御史詹沂署都察院事應天府丞徐申為府尹

江南鎮江泰州宜興天鼓鳴又鎮江之華山裂二三丈


癸丑刑部右侍郎沈應文署工部事

乙卯下劉世廷于南刑部獄

丁巳廣東惠潮兵巡道右叅議朱東光失印踰月得于井則

偽也調貴州

癸亥工科右給事中宋一韓以漕闕論前總督李化龍沔河之誤不報



乙丑東虜入許家營口把總許承忠死之

丁卯夜客星始滅

己巳諭停刑

辛未前樞督宣大山西兵部右侍郎梅國禎卒字 湖廣

麻城人萬歷癸未進士令固安擢御史西征呼拜監軍奮身

行間功成進太僕少卿尋進右僉都御史巡撫大同加右副

都御史進樞督侍郎憂去慷慨有遠略廢錦衣衛百戶贈右

都御史予祭葬

司禮太監田義死

九月癸酉裁貴州興隆叅將以都清守備駐楊老清守鎮備駐

偏橋

丁丑前四川樞兵官林桐起提督京城巡捕

南右春坊右諭德楊繼禮請告尋卒字 江南華亭人萬


歷 進士學行甚脩士論惜之

戊寅南兵部尚書臧惟一罷

辛巳巡撫順天劉四科加兵部右侍郎巡撫大同張悌加右

副都御史並以考滿

壬午山東左布政使沈季文為右副都御史巡撫大同



癸未叙河洮斬獲功巡撫顧其志加右副都御史

甲申御史吳達可劾沈一貫不報

故刑部右侍郎張翀贈兵部尚書

丙戌宥隴川王土舍多字妻置永昌

丁亥教坊司左韶舞李澤懷牒縊于會極門命即牒訊其人

戊子左中允區大相改南太僕寺丞

戊刻有大星墜南京龍關碎如熒明日戊刻又有星如月墜

地有聲

辛卯初巡按貴州御史畢三才議罷四川督臣復巡撫以貴

州巡撫改摠督駐沅州提衡三省吏部未敢決吏科都給事

中侯慶遠言其不便從之

壬辰設貴州安化縣時思南水德江長官司正長官張轄無

子爭繼吏部議改縣設流官以故長官張棚孫 降為土縣

丞副長官楊長官降土主簿

甲午巡按福建御史方元彥請宋儒羅從彥李侗從祀孔廟

章下禮部


昭和殿火

丙申京師地震時盛甲廠閔領火藥監收內官減朝斧劈

國權

萬曆三十三年

十一





火藥火突發朝立死及把總傅鍾等十人軍死八十三人局  
匠塗人無美

庚子玉牒告成

十月癸卯裁四川湖貴總督

以玉牒成進沈一貫少師廢中書舍人沈鯉少傅朱賡少保  
各廢子入監

甲辰謚蜀府南川王寅 曰康僖

己酉祭故巡撫大同朱運昌

套虜銀定等三千騎犯涼州以西懷安三岔等堡掠男婦千


計驅牲畜數萬巡撫徐三畏報官兵斬十四級巡撫史學遷  
揭其妄

虜犯大同陽和堡

辛亥陝西永泰鎮虜保定三堡成

裁陝西行太僕卿少卿歸其事于固原榆林各道兼攝  
增設遼東戚家堡游擊

天津稅監馬堂真定保定稅監王彪江西稅監李道山西稅  
監孫朝各進稅金有差堂兼提督寶坻銀魚廠獻銀魚千雙  
乙卯征貴州叛苗左都督陳璘監軍叅政洪澄源討水碾山



苗克之監軍布政使趙健紀功按察使尤錫類督兵都指揮

高垣討西路苗克之

丙辰簡檢討徐應聘降歸安縣丞

誅妖人吳廻五等 薛濂嗣陽武侯孫廷嗣應城伯

夜北方有赤白氣入紫微垣久之散

乙丑禮部請親郊 上引疾不允

丙寅南吏科給事中陳良訓劾貪暴巡撫浙江尹應元福建

徐學聚不報


江西南昌布衣章演被薦遙授順天府訓導

丁卯折山東濟寧魚臺單縣金鄉馬價三年

刑部請釋礦稅在獄同知卞孔時及諸生十二人庶民生五  
人不報

十一月辛未朔許黃應聘襲思明知府降土官黃應雷為土舍  
時應聘七歲事歸流官設儒學教

癸酉閱視塞上報功進提督陝西三邊李汶少師蔭子入監  
甘肅巡撫徐三畏加兵部尚書寧夏巡撫黃嘉善加兵部右  
侍郎前提督薊遼保定邢玠進少保蔭子入監塞達太子太  
保提兵寧遠伯李成梁太傅遼東巡撫趙楫兵部右侍郎保



定巡撫汪應蛟兵部左侍郎

甲戌山西稅監孫朝死歸稅于礦監張忠

辛巳蠲淮揚災租

甲申夜皇孫由校生東宮選侍王氏出尋命禮部進封選

侍擬夫人不允上自按皇明典禮定為人才

英國公張惟賢進太子太保惟賢攝郊祀四年

丙戌命南京都察院右都御史孫鑛為南兵部尚書

辛卯叙三鎮脩舉功前總督宣大山西王世揚進太子太保

世錦衣衛百戶總督楊時寧進太子太傅宣府巡撫王象乾

進右都御史山西巡撫魏允貞進兵部右侍郎兵部尚書蕭

大亨前任總督加兼太子太傅

陝西河州擒斬功總督李汝進兼太子太師協理京營戎政

世錦衣衛百戶總兵孫仁寔授都督同知世本衛正千戶


壬辰鄭世子載堉言臣自萬歷十九年至二十五年七疏乞

正倫序蒙禮部令臣以臣子終身臣男翊錫攝廢府事然庶

子襲封終非所安臣年七十死在旦夕亦抱憾地下今載璽

襲孟津王乞代臣攝府事令臣男從庶子襲封例改正以成

臣志禮部覆曰載堉累讓老而彌堅不私其身不顧其子真



與太伯夷齊季札子臧後先婉節有賢如此安可負其志忘  
其高哉宜令載堉終世子翊錫終世孫俟翊錫身後其子襲  
封東垣王接見湏之統翊鎧身後另封一郡接厚烜之統若  
載堉奏欲載堊先襲孟津王攝府事後繼王爵不如一舉而  
改正之也世子世孫無祿若載堉父子宜如郡王祿以示優  
賢之義 上從之按成化十年見湏封東垣王正德四年鄭  
王見濇誣廢見湏薨子祐擇以侄進封鄭王祐擇子厚烜嗣  
而祐擇庶子厚烜襲東垣王厚烜傳載堉載堉傳翊鎧而世  
系則東垣原封為載堉本爵若親王改還載堊則還載堉東

垣王固也翊鎧子宜另封一郡詳禮部議中


設遷曰好名之人能讓千乘之國孟氏有激而言之也如  
鄭世子庸好名者哉博該載籍尤篤禮樂之事被服仁義  
身有儒行其脫履千乘蓋忠信篤敬之效也時以太伯夷  
齊季札子臧比洵哉無色愧哉矣

乙未提督漕運李三才為左副都御史

已亥前左諭德陶望齡為祭酒

候補禮部員外郎樂和聲奏復岳姓

十二月壬寅諭戶工二部開礦各內外官俱奏出砂微細俱收



回封閉礦洞各稅課歸有司徵解半及土產進內庫餘輸部  
左右諭德吳道南莊天合為左右庶子右諭德馮有經周如  
砥翁正春為左諭德右中允顧天峻陳懿典為右諭德右中  
允署司業李騰芳為右諭德  
兵部考選軍政

蜀

癸卯起于慎行禮部尚書大理少卿喬璧星為右僉都御史

巡撫四川

提督東廠太監陳矩詹錦衣衛百戶

乙巳庶吉士宋燾陳宗契王基宏馮奕垣為御史

丙午召陳尚象復為兵科給事中預平播功

巡撫甘肅徐三畏進右都御史總督陝西三邊軍務兼理糧

餉右通政黃紀善為右僉都御史提督軍務兼撫治鄖陽進

錦衣衛都左督王之楨太子太保

免河南災租

丁未山西聞喜縣大風雨黃土


以皇孫生致書各王府

戊申南通政使趙欽湯為南戶部右侍郎兼右僉都御史總

國權

萬曆三十三年

十七



督糧儲

釋承天諸生沈機等十三人獄

已酉免江西災租

庚戌前吏部右侍郎張養蒙卒字

山西澤州人萬歷丁

丑進士授禮科給事中風稜獨著以工科都給事中出河南

叅政累陞右僉都御史提督操江入內臺晉令官以負才名

慷慨自命在任名日蔚起後登卿貳猶快未遂其志性剛

方有識力予祭壘天啟初謚毅敏

庶吉士王元翰曹六德袁懋謙為給事中

癸丑朱賡言近以臣常男太常少卿朱循敬為右通政年資

尚薄乞改用南鴻臚寺卿衛承芳從之而承芳未用

乙卯頒皇孫詔脩撰朱之蕃禮科給事中梁有年使朝鮮

前南吏部尚書趙煥為工部尚書前南工部尚書裴應章為

副

南吏部尚書前右都御史郭維賢為戶部左侍郎前巡撫

遼東鮑希賢為工部右侍郎南光祿寺卿徐大任為南工部

右侍郎巡撫延綏鄭汝璧為兵部右侍郎兼右副都御史提


督宣大山西起前巡撫鳳陽甘士价巡撫浙江順天府許弘


綱為右副都御史巡撫江西

國權

萬歷三十三年

大





刑部尚書董裕致仕

上作大學衍義補序

湖廣興寧貢士陳元旦上所著孝經章句敬一箴註撫世皇  
猷闡道臆解理學管見等書

丙辰前吏部主事馮養志降長蘆運司判官前南御史胡鶚  
降澤州判官

國權

鹽官設遷孺木著

萬歷三十四年丙午

正月庚午朔 上不朝

未敬循仍為右通政吏部言其資俸宜得也鴻臚寺卿衛承  
芳為光祿寺卿太常寺卿張鳴岡為通政使俱南京順天府  
丞周盤為右僉都御史巡撫甘肅

軍政拾遺左軍都督府鎮遠侯顧大禮後軍都督同知陳汝  
忠陝西廣東總兵官管一方益宗等並免

國權

萬歷三十四年

一

辛未前脩撰焦竑為廣東斷事竑察處八年添註福寧

都司

州同知始寔補

湖廣襄陽知府馮若愚推官程啟南禱武當山以路穢答淨  
樂官道流提點袁進顯等怙提督太監黃勛群言馮等投瓦  
石撫治鄖陽右副都御史胡心得巡撫湖廣梁夢龍各疏上  
不報勛劾若愚等乘輿入宮無人臣禮 上不聽戒勛鈴束  
羽流越二年鄖撫黃紀賢楚撫易登瀛乘黃勛走他郡密檄  
袁進顯等因鄖陽正其罪

曹介人曰羽流鼓噪公祖與儒童擊逐學憲點僧交結近

侍猶竈上掃除耳乃煩瑣、彈章耶是 皇上以威稜付


臣下臣下不能以威稜奉 皇上可惜也

甲戌工科給事中胡忻請卹京師鋪商不報

乙亥前兵部右侍郎魏允貞卒字 直隸南樂人萬歷丁

丑進士授荊州推官不為張居正誑奏最擢御史益劄直諫  
判許州尋進南吏部郎中改光祿少卿病免起順天府丞通  
政使以右僉都御史巡撫山西清嚴自厲大吏惕息在鎮十  
年恩威流浹乞終養去年加侍郎卒之夕白氣自庭屬天移

時乃散年 十 予祭塋謚介肅





設遷曰南樂兄弟一時崛起懋權早世  
太常寺博士允中年與用  
違侯介肅冰葉不渝往者推耿九疇軒輓以後無繼者  
如介肅真其人也子相國廣微止論清不如胡威且流為  
盧杞矣劉則世德作求非耶

丙戌貴州總州官左都督陳璘監軍布政使趙健叅政洪澄  
源何偉至貽德征東路叛苗克之擒三百二人斬三千七  
百三十一級


己丑皇子常溥殤追永封王謚曰思

癸巳逮湖廣咸陽知縣宋時隆下獄咸寧知縣滿朝薦鑄一

秩時命停礦分稅：監梁永堅執咸陽潼關委官不宜罷益  
樹黨布虐巡撫顧其志捕惡黨寘之法永大恨之咸陽人胡  
奉熒永檄時隆取裁繒千五百件直四十金時隆怒不與遂  
誣時隆等抗旨劫稅關內搗沮不報  
御史王基洪言三事名實當稽賞罰賞當慎言路當開 上  
不報

甲午戶部左侍郎郭惟賢卒字 江西晉江人萬歷甲戌

進令清江拜御史敢言事請宥吳中行趙用賢鄒元標謫江  
山縣丞尋復秩調大理評事尋移南吏部主事改尚寶司丞



歷通政叅議順天府丞右僉都御史巡撫湖廣有綏靖功人  
左副都御史憂去起今官不數日卒予祭塋贈右都御史廕  
子入監謚恭定

乙未罷徵甘肅延綏鹽引稅銀

荆王府火

乙丑鳳陽池河鎮守禦營卒囂以定遠知縣蔡夢齊裁其贖  
軍牙稅也事聞都指揮侯萬鍾奪俸三月

戊辰閣臣趣下考選不赴報

三月己巳朔閣臣沈鯉朱賡言秦人恨梁永甚宜撤不報


庚午賜閣臣皇明典禮書

乙亥江西礦務太監滿相以停稅移景德鎮請專陶以浙青  
為上廬陵永豐玉山青色澹宜變價以進從之

釋咸陽知縣宋時隆獄咸寧知縣滿朝薦復官奪歲祿蓋閣  
臣撫臣疏再上故寬之

丁丑仍以江西稅務歸稅監李道詭稱歸稅有辭請仍管  
理也

己卯雲南礦務太監楊榮被殺榮久于滇恣行威福杖斃數  
千人榜掠指揮樊高明賀瑞賀鳳又榮用事指揮于可繼等




當盡捕六衛官人自危指揮賀世勳韓光大等遂倡衆圍焚  
其署徒黨輜重皆燼巡撫陳用賓以聞請以四川稅使邱乘  
雲兼攝 上怒不食 慈聖為解閣臣揭慰數日有旨榮不  
足惜何紀綱頓至此罪其首事罷中使不遣稅課歸邱乘雲  
後世勳獄死光大戍邊自榮開採利益密安撫司寶井屢爭  
屢撫避入蠻莫安撫人平緬人乘之蠻莫思政逃我緬以兵  
索巡撫陳用賓斬首昇之始解滇夷益我輕

沈德符曰一寶井耳司歪以之反君罕美以之叛父罕究  
以之失國毛勝錢能萬安諸奸以之納賄生邊衅當其時

滇中土司無一不奮臂逆我顏行矣賴 孝皇初政清思  
明而林俊造備兵其地百方招撫撫之以恩懼之以兵益  
密稍還故主侵地夷心始寧帖以至于今者百年而楊  
榮完監生事遐荒又以寶井蠱 上心几令滇池搖動猶  
念積忿之極夷夏蠢起榮雖齏粉而一方稍得安枕寶井  
亦閉無敢擅開僅益密之獨擅而已國體至此已糜爛不  
可收拾一切付之羈縻古人不貴異物良有以哉

辛卯刑科給事中周曰庠言詔旨不信八事曰簡大僚而九  
卿負闕如故曰廣庶官而考察中格如故曰通章奏而公車




不報如故曰設邊備而樞撫虛席如故曰罷礦稅而採權傳  
制如故曰惠京商而內官叢斂如故曰蒐逸才而草澤沉淪  
如故曰釋冤獄而圜扉械繫如故語曰需者事之賊也 皇  
上在今日遂當暢然發舒柰何使匹夫匹婦得執詔旨以議  
其後哉不報

丁酉賑真定順德廣平大名飢民

四月己亥刑戶部主事田一井奏詆吏部左侍郎楊時喬兵戶  
部尚書趙世卿蕭大亨其詞龐雜俱私嫌也命鑄一秩調外  
乙巳巡撫貴州郭子章平叛苗吳老喬阿倫阿皆等俘斬三

千餘人蓋貴州東西二路曰仲家苗在貴龍平新間其在水  
碾山入銅仁思石間曰山苗自平播後輕我經年剿劫子章  
以搃兵陳璘叅政濟源率土漢兵各五千攻水碾山監軍布  
政趙健率宣慰使安疆臣兵萬人以游擊劉岳等領之俱克  
陳璘乃移新添攻東路苗平之

釋羅學茂還遵義學茂始祖羅錦唐乾符間因楊端開播受  
官世播人居黃王坎沙溪間後地入水西學茂依焉及播平  
還于播又水西夷安順臣忤兄疆臣來奔疆臣訴貴州撫按  
謂學茂盜官木銀五千金巡按金忠士信之奏械學茂還貴



州得旨提督王象乾明其枉聽居遵義  
夜熒惑入心宿

乙酉初沈一貫引疾私第票旨沈鯉等乞內直杜旁伺不報  
庚戌脩撰兼侍讀朱之蕃調為南右春坊右諭德兼理翰林  
院事

壬子施壯猷嗣懷柔伯

癸丑巡撫湖廣梁夢龍卒字

士授編脩累至今官

予祭塋贈兵部左侍郎廕監

廣東瓊山人萬歷癸未進  
雖馴謹無他于世未有稱也

丙辰自春正月至夏不至

戊午恭妃王氏進封皇貴妃 東宮生母

癸亥河工成自朱旺口至小浮橋袤百七十里河歸故道役  
五十萬人費八十萬金五閱月而竣

南京守備成山允伯王允中提兵官李如樟宣府提兵官姜  
顯祚並免


甲子封元孫生母王氏才人

丙辰命順天尹祈雨

裁天津海防副提兵改設游擊

國權

萬歷三十四年



套虜失落赤犯延綏安邊營報去年追剿也搃兵杜松拒之  
斬二百四十餘級

五月丁丑卯刻西北有大星流于東北方色赤尾跡有光

戊寅夜熒惑犯房宿

庚辰皇第十女殤

仍復河池營市稅

壬午搃督宣大楊時寧言北虜稱臣三十餘年靡以市賞今  
年久漢人貨物奸偽百出虜日釋怒往年虜王訂約云市賞  
市貨不堪上年仍然虜王不肯受去冬愆期若不及時挽回

斂怨日深貽患疆場矣命工部驗京賞

太僕主簿劉孟銑為順天通判


癸未熒惑自心向房入于氏

甲申編脩沈灌為司業

乙酉東垣王長子常澤以鄭世子讓國意難割東垣遂奏載  
靖大奸冀改正禮部駁已之

順義王捨力克始表貢先是捨力克疾而宣大諸酋五路台  
吉最難旋叛旋復虜王亦羈縻之也

戊子 鹿邑知縣楊應魁苛墨為部民所訟命捕治之



已丑傳制封鄭王載璽益王常遷新建王常滋奉新王常漣  
鄭西王常湖代世子昂莎鄖陵王翊鏃陽信王以澍懷安王  
翊鎖博平王在鉤渭川王恭梓壽光王由桂壽陽王常澎湘  
陰王儼舒光澤王術塢萬安王珂淮  
辛卯敬嬪趙氏薨

癸巳山東布右政使衛一鳳為應天府尹

丁酉南兵部尚書孫鏞三年考滿加太子少保

巡撫鳳陽李三才言恩詔中格流傳二說一新政原非聖意  
故旋開旋閉一沈一貫恐沈鯉朱賡妨位耻事不出已計傾

左右致善事不終 上怒奪俸三月一貫奏辨不問


檢討孫如游為右春坊右贊善

加雜谷安撫司口糧

南戶部尚書張孟男卒字

湖廣中人嘉靖乙丑進士


授廣平推官遷順天治中改禮部員外郎歷尚寶司丞于高  
拱密戚四歲不調張居正為進太僕少卿又四歲不調居正  
敗累遷至今官初南庾粟支二年不再歲遂有七年之儲卒  
遺疏曰臣頂戴曲私越從洿泥歷事三朝年逾七十未博翰  
音寔媿于懷臣故羸劣善病從間以來逆害飲食寢以成困



恐先犬馬填溝壑不能輸馮心力仰負隆天重地之恩視不  
可含伏惟 陛下初載覽摠大麓經營天物政非惠利不圖  
予心制非舊典不訪于朝百工允釐方垂無事今殊不然臣  
備員地官所徵賦于天下十不及一皆鬻男女割骨肉之餘  
也臣以催科為職不廢而民病矣頃者中人四布伐山竭澤  
美及雞豚戶口消亡諸臣法言吳言交滿公車臣何敢贅天  
下之財止有此數財之所生止足其用諸所興利豈無異術  
率巧名以熒惑眾多方以剝下民之所有不增而官之所收  
日廣民生計索而正賦又不可闕此臣所以持籌太息一日

不能安其位也予祭壘贈太子太保

李維楨曰昔者鄭楚之構也舉國若狂使鄭不可得親易  
使楚不可得踈難予入仕四十年所見俗之移人約有四  
端理學則貴虛無騰口說廉介則崇矯激夷等威謹正則  
多建白競攻擊敏達則事繳繞擅紛更張公有一于是乎  
司馬子長稱萬石建陵張叔其人皆長者而病塞侯微巧  
周文處調漢興削觚為員宇內自化及乎武帝朝稱說天  
下長者止此耳當今之時乃有張公豈易也哉公數好史  
記繕寫數過于中有深會矣





虜攢言太台吉犯保寧伺延綏提兵官杜松西征

六月戊戌朔大理左少卿涂宗濬為右僉都御史巡撫延綏

己亥河決郭緩樓茶城鎮

庚子予故戶部尚書陳藻故寧遠伯李成梁祭墓

壬寅雲南平緬夷阿瓦以數萬眾攻臨木邦宣慰司命奪副

提兵陳寅游擊劉素

丙午錢夢得牛應元為大理左右少卿

甲寅周汝登為湖廣布政司叅議

丙辰以徽號單思存問前大學士申時行王錫爵

鄭西地震

己未順天文安永清武清三河寶坻大蝗

庚申命守令于十月稅糧並完方離任

壬戌南吏科給事中陳良訓御史孫居相劾沈一貫奸貪不法不報

停浙江萬歷二十九年通織

許福建土產方物折價轉納如江西山東例


福建興化府大旱

七月戊辰朔貴州提兵官左都督陳璘改鎮守廣東

國權

萬歷三十四年

十一



甲戌南京協同守備撫寧侯朱繼勳領中軍都督府四川松  
潘副總兵蘭臺為總兵官鎮守福建寧夏副總兵鄧鳳為總  
兵官鎮守陝西延綏定邊副總兵王國棟為鎮朔將軍總兵  
官鎮守宣府山東靖海副總兵楊宗業為總兵官鎮守浙江  
俱都督僉事

蠲嘉定順德廣平大名派稅

丙子巡撫陝西顧其志加兵部右侍郎

命司禮太監陳矩錄囚

定山西保定陝西邊臣考滿同延寧甘固嘉靖四十三年例

戊寅河南左布政使易登瀛為右副都御史巡撫湖廣

辛巳宋廣夏嗣西寧侯

世思子


癸未大學士沈一貫沈鯉並致任一貫連歲乞休疏八十上  
始允沈鯉居位四載時失上意及旋歸其旨不如一貫之  
優各賜金幣鯉半之孫居相奪歲俸陳良心鑄三級調外

夏允彝曰自前歷以前未有黨名及四明為相以才自許  
不為人下而一時賢者如顧憲成孫玉揚鄒元標趙南星  
之流蹇諤自負每相持附四明者言路亦有人而憲成講  
學于東林名流咸樂趨之此東林浙黨所自始也

國權

萬歷三十四年

十一



監生陳復亨等以恩詔請增解額不允

丙戌雷震朝日壇大風拔木京師大雨雹平陸水三四尺

丁亥永年伯王棟卒 皇后之弟

戊子南大理卿劉應麒前巡撫浙江劉元霖為工部左右侍

郎詹事范醇敬右副都御史耿定力為南禮兵部右侍郎

辛卯安南黎維新誅帝達禮獻其首


巡撫四川喬璧星言蜀中有司多科貢內阻其英銳無所短  
長非才之罪也資格限之也甲科如日始旦跋涉拮据亦何  
所不可而令人有遠近勞逸不均之歎哉不報

套虜太台吉以三千騎復犯保寧巡撫涂宗濬總兵杜松議  
擊之遣都指揮僉事杜文煥以千騎為先鋒擊斬四十六級  
逐之乃遁

八月丁酉朔始令宗室將軍中尉同諸生應試科貢初許奉國  
中尉以下不及其上禮部左侍郎李庭機謂既從科貢何拘  
厚爵

戊戌南鴻臚卿丁賓為右僉都御史提督操江南太僕卿林  
煙為南大理卿

故廣西布政司左叅議政陳最贈太僕卿



庚子虜炒化卜言顧等二百騎犯遼東鎮邊官兵擊走之斬三十餘級

壬寅浙江左布政使史繼辰為南太僕卿

癸卯南太僕少卿劉日升為南鴻臚卿

福建泉州大風折屋

辛亥夜月食既

癸丑萬壽節 上謁慈聖皇太后語及宿繫註誤者量出之

上曰然


前陝西右叅政李維禎補山西

江南泰州天鳴

丙辰錄囚奏釋大辟七十一人酌中志六十三人俱遣戍如罪勲李宗城等惟曹學程如故太監陳矩刑科左給事中梁有年以請不報

己未招寬奠等六城人歸故土初築六城新疆周八百餘里偏近建州衛夷夏錯居走集六萬餘人至是移其人內地盡棄其土新疆舍其為甌脫非策也摠督蹇達摠兵李成梁等自為功進達太子少保巡撫趙楫右都御史各廢子入監李成梁太子太傅廢本衛百戶時建州衛都督

爭車



價其語悖邊吏倉皇請益成朝鮮亦言建州侵匿

辛酉巡撫宣府馬鳴鸞加右副都御史

是月主試京省順天左庶子吳道南右贊善孫如游應天左  
諭德馮有經中右允傅新德浙江檢討蔣孟育戶科左給事  
中蕭近高江西檢討趙用光刑科右給事中曹子汴福建編  
脩何宗彥吏科右給事中翁憲祥湖廣檢討張邦紀兵科左  
給事中胡忻河南吏部員外郎卞承憲中書舍人吳亮山東  
尚寶司丞彭遵古兵部主事張汝霖山西吏部員外郎陳采  
工部主事馬天錦陝西工科左給事中孟成己戶部員外郎

宋鴻儒四川戶部主事王畿兵部主事胡來漸廣東刑部主  
事張維樞工部主事魏說廣西兵部員外郎王舜鼎戶部主  
事張鶴騰雲南刑部主事陸錫恩工部主事黃宗義貴州大  
理評事周延先行人張孔教

沙計等台吉犯延綏高家堡杜松以二百里即走其巢邀之  
斬六十六級

九月丁卯朔南禮部右侍郎范醇敬及貴州巡撫郭子章並乞  
休徐元春為禮科右給事中汪若霖所劾各乞休獨允醇敬  
已已故工部右侍郎張檟贈尚書故巡撫大同張文錦贈右

